

集部

欽定四庫全書集部

古穣集卷入

詳校官編修程 楒 中書臣劉源溥震勘

總校官原任中九臣王燕緒 校對官中書臣李 勝録監生 臣張 楘

恒

· 大臣四百人生 CREATURE CANA O GRANDLAN Sazze? **GENERAL PROPERTY OF THE PARTY 电影型影响** 古穰集 THE STATE OF 即秩滿在正統 明 李賢 撰

先生之志終不可奪宜遂其馬為請於上允之內閣大 弗許與論紛然謂先生學醇望重况未及引年不可釋 命下亦不决屬之吏部先生復白于冢宰至再至三猶 選部即中張君留之不獲至於泣下運命浹旬冢宰以 既三日不行先生乃懼留之果遂抗章納禄辭極懇切 伯之長顧去已成矣食不下者竟日嗟夫先生果何脩 臣聞之帳然謂適加品題若李某者非六卿之貳則方 而得此哉益其所存所行必有卓乎不可及者賢獲從

金に人口大人に

卷七

Krad D und Ar him 之所好也而先生珍味不嗜于口衣服之美樂世之所 是同宜乎與世之人固有如圓鑿方枘之難合然則難 淡薄所尚者儉素所蹈者恬退所慕者天爵惟古之人 而先生逐之高位厚禄衆人之所慕也而先生簿之其八 尚也而先生穀綺不著於身干名附勢眾人之所蹈也 所見聞賢悦之學而未能者尚可道也飲食之甘樂世 先生之後八年于兹其精微速大雖未能識至於耳目 所好尚慕蹈獨異乎世之人者何也益先生之所好者 古禳集

金少世是白雪 久自宜遷秩崇高揖讓於公卿之間以佐化理今乃果 合如此宜見疎於人及其去也識與不識成以為惜何 士自蔽於不耀之地者咸振衣興起願立于朝况先生 明世道亨泰尊賢使能不靳爵賞雖遠方僻壤高人端 與于以見天理之在人心有不可得泯者或日朝廷清 於求去吾黨之士未有所聞賢曰先生起自布衣登名 以宏博之學正大之行居考課點陟之地為士屬望已 進士歷官于茲三十餘年今乃早圖晚節以全始終其

|古古之人盡過於今誦斯言於人無不以為然者已而 Kulama detila 之人無復有如古人者予竊疑馬以為人之常情慕遠 世嘗說古之君子大過於人今之君子不及也又謂今 别 我矣賢以門生辱先生雅愛不以形織自鄙敬書此為 有補於士風不小子之云云奈何或乃憮然為間日命 而忽近喜傳聞輕見知自古而然未必今之人盡不及 送郭司訓之任黃巖縣學序 古攘集

者非校官乎然而天下之士出登仕途内則為公卿為 載則又大有不相似者翻思前日所然之言又甚惑而 一靜觀世故大要以今之君子所存所行驗之乎詩書所 樂至於校官之授必有不懌然者均是務也古人以為 教育之益古之君子誠以是為樂不誣也今之職斯樂 不可據孟子曰君子有三樂一則曰樂得天下英才而 樂今人以為不樂其所好尚若是其背馳也則今之人 大夫外則為藩果為郡邑雖有大小之異莫不皆以為

金いといたノバー

是樂戰國時惟孟子有其具而樂未遂漢之董唐之韓 在我者無教育之具縱得是職不能一朝樂也雖古之 有吳具與樂亦兼有之然則是樂也豈易得哉惟古之 周程張朱有其具得是樂而安定亦然在元北有許南 具亦有而未能樂文中子似有其樂而具則未在宋惟 古人之樂哉益古之君子在春秋時惟孔子有其具得 人能得是樂者無幾使今之君子果有其具豈必下於 誠不類於古之人矣既而思之教育英才固為可樂药

次已日年上上日 古樓集

もプロガノニ 富而未已又有得其可樂之具乃歌鹿鳴上春官遂登 寡矣郭君用輝常之無錫人自幼見樂於其師為學益 君子大過人者能之今之君子不及馬宜乎得是樂者 實出其地賢辱在門生謬為所知命序郭君之行敢以 既有可樂之具又得其職且黃嚴之士學有源委可教 乙榜擢台之黄嚴訓導夫天之於人也不枉其才郭君 知郭君之樂將無愧於聖賢君子之樂矣考功李先生 可育者有其人馬非如徒有其具而不得其樂者此吾

是告 欠い可吸 とれう 魯姓國初入版籍去字术字先世歷有顯人文章政事 太學生會仲禮持其族譜一編請予告曰吾族本字术 具載元史而家無譜系吾懼夫族屬之無統也作魯氏 而後世知所述以不忘水木本源之義馬予聞而嘉之 孫至震凡七世據可知也願為我序之俾族人知所紹 語然世代綿邈不能遠引乃斷自諱德者為始歷子 魯氏族語序 案富珠理原作李术

古壤集

考世次乎仲禮獨樣樣於此其賢於人遂矣夫譜系之 兵燹故耳有或一遭是厄子孫流散隨處家馬茫然不 一語系之學家藏語系之書是以天下之人貴賤有常而 尊祖敬宗之道馬豈非仁人孝子之用心數古者人尚 作豈徒然哉非欲於眩閥閱誇示鄉黨也將以推本反 知世系所在相逢不異於途入孰知以是為念而能追 以謂江北故家子孫弗克世守先業非盡不肯也厄於 始也将以辯路穆敏親疎睦宗族化鄉人也由是而得

金月四月 全書

於是乎為然矣近世大夫間有能偷舉者多出於江南 次定四華全華日 古粮集 述以振揚家聲期無愧於文靖可也雖然本深則末茂 譜馬非子孫之賢孰能致之觀其歷世簪組後先相望 舉也今魯民出於內鄉內鄉江北之地也乃有七世之 益無兵燹之患故家子孫猶能世守其業而語系固可 宗支不混奈何五季以來其書既散其學不傳而此道 源遠則流長理勢之必然也仲禮為人淳雅好學異日 其曾大父文靖公翀文章政事擅名前朝仲禮尚思繼

|吾友朱有年為人倜儻有奇志蚤入學為諸生從明師 器見别於何地耳今年春謁選吏部無慮干餘人有年 遊識見迥出輩行既登太學所交益廣所聞見益博為 必有光先世者吾是以知文靖之澤未义也詩云子子 孫孫勿替引之尚驗之魯氏之門是為序 以太學區別例試于考功歸于選部品藻于冢宰列狀 仕之方洞然於曾次益持此以待其用素矣特未知利 送朱縣丞之洛川序

一次之四重全生了 古根珠 合乎孔子所謂執事敬者世之人往往不足於承必以 易惟敬則行以此見重於咨變意者取其能敬職業有 昔吳門葉艺及於潛當曰官無庫崇職無簡繁事無難 職未足以滿其才而有年亦有不懌然者子聞而惑之 以有餘之才而居未顯之位苟盡其當為則力可能而 功易成况丞之職所以貳令於一邑豈可不加之意乎 日其亦未之思也古之人寧願才有餘而不患位不至 以聞命下得陝之延安洛川丞鄉之官遊或觖望謂斯 夫擇便為聽斷桶鏝壁面山而俯治嘉卉美竹假立而 之往也惟隨其分之所至而盡其職馬無戚戚可也若 年之才固不止此行将躡要津齊無仕以遂厥初心茲 者率有漸也益行遠自通登高自里理勢之必然以有 黎王承福傳政以戒夫食馬而急其事者而又述斯立 金少世人という 也有年盍亦應諸試觀今之高官大職未有一跳而至 之語以開之無乃不可乎吾知昌黎必不如是自矛盾 昌黎所作崔斯立記為援殊不知被有激而云不然昌

負子子不負丞亦無取馬耳 森列玩游麟聽幽吃坐密薩弄柔芳吟哦以自適日及 為訟也簡其為俗也淳守兹土者往往馳名至有不尚 南陽中州大郡也其屬十有三縣居其十山川明秀土 刑而蒲鞭示辱者斯固德化之所致抑以民生易擾也 地膏腴人生其間者有東漢風士尚節義民務農業其 送南陽楊推官序

欠至日事私生司 一

自漢以來都之刑訟太守兼之後唐始有推官之制宋

古機集

治刑以輔治治之不專則刑罔而政弛是故以守出治 本末輕重之義乎吾郡推官楊公王華世家蜀之儀龍 為人慷慨有氣節領鄉薦入太學正統改元之三年以 于刑之中以教祇德若夫專務贖刑以為治無乃昧於 而待刑何番于以見人君之治天下也惟尚德政民有 同以佐之通以贊之而刑則付之於推馬然委政何備 然後刑馬故曰刑者輔治之具也書曰士制百姓

金人以及人

元及我朝因之誠以一郡之大有政馬有刑馬政以為

也吾非學申韓之學者奈何務此既又曰古人所謂積 岸置邊幅一切獄訟務求其情三載之間大畏民志而 **陈德於冥冥之中者率由是道吾何歉乎哉於是破崖** 人哉失人惟恐不傷人函人惟恐傷人故術不可不慎 庭閉若無事者茲以考續書最而還郡人榮之請予文 文記可見上目111/ 古樣集 則民俗加淳不言可知而蒲鞭可復見於今日已楊公 以贈惟吾郡之風土既如此而楊公理刑又操心如此

選人優等權今職當舉孟子之言曰矢人豈不仁於函

喪之不齊馬且以士之在仕路者觀之通達於前者或 録馬 往任益用其心哉他日又将大書特書以俟觀民風者 蹇滯於後遭遇於後者或坎坷於前又或前後屈馬而 伸於中或中屈馬而伸於前後求其所謂富貴利達始 又物之最貴而靈者其在世也又有吉凶荣辱窮通得 天之生物萬有不齊而物之成敗亦萬有不齊若夫人 送夏公瑾還鄉序

終得意而不失者殆干百之十一也豈非天地乗除一 是者非正命也該之於天不可也然則古之君子能盡 也或既得矣恣情縱欲以騁之卒亦不能保其得馬若 定之數出於自然而不可移易者乎古之君子有見於 不芥于心馬故曰君子居易以俟命又曰莫非命也順 受其正奈何世之人之未達也得意則喜失意則悲甚 此惟盡夫在已之道而已其於禍福之來一聽於天初 至未得意之時冥行妄作以求之未之有得私見其失

飲定四車全書

古猿集

豈非蹇滯於後乎兹者遇需恩既釋其成復官其身伊 平吾友夏公瑾始舉進士官吏部之考功十有餘年可 在已之道是以俯仰之間無所愧作卒之禍去而福來 之道同乎古之君子故能如優之九四卒之禍去而福 還鄉里是又所謂屈於中而伸於前後者矣益其所守 謂通達於前矣已而獲譴謫戍邊城離患者十有餘年 處則終免於危而發吉也今之君子其亦有能若是者 在易履之九四曰履虎尾恕恕終言言能戒懼以順自

望乎 英之會所樂何如哉然公瑾所以得是樂者實天之所 詩為儒者末事先儒當有是言矣然非詩無以吟詠性 為也尚勿忽其在已之道以為始終全人無幾朋友之 公瑾平昔相知之稔者公瑾斯歸林下又增一人矣者 郡益不減於宋時洛陽也先達者舊宿德雅望之老皆 臻馬公瑾姑蘇人其鄉里衣冠文物之盛甲於東南諸 行稿序

次定四車全書 ~

古樓集

成造夫平易自然之地則又係乎人之才馬嗚呼詩豈 問目之所經發乎情而句亦成第恨鄙俚不能佳耳即 思疎拙欲就住白卒不可得且能妨廢讀書工夫用是 易言哉予往時亦頗好詩但無專心致志之功加以才 甚難必專心致志於數十年之後無幾有成其成也亦 情發揮與趣詩于儒者似又不可無也而學之者用功 不過對偶親切聲律聽熟而已若夫辭意俱到句法渾 不屑為之已數年矣茲者奉命有事於蜀川凡道路之

金罗日五台

欲投之丙丁不如錄之以俟善詩者之運斤馬 詩者詩至於是天下之能事畢矣惟太白能與之齊名 之不已復廣其韻或日世稱杜詩冠絕古今以為聖於 予以公事幹當蜀川服日無以自遣因得杜律一冊該 之不如徒取譏於人也子何不此之顧耶雖然恐取譏 後世雖有作者願立下風莫敢與之抗也文人才子莫 不竊效其體製陰襲其辭意而不敢明和其韻第恐和 廣詠杜律序

次足四草全彗 一

古樓集

於人而不敢和者詩人之處耳吾非詩人也特憐子美 心忍性增益其所不能耳初不計其可也君子幸勿以 於詩益苦其心志行拂亂其所為者子自思身雖未當 之才不為世用而坎坷終身鬱鬱不遂之懷往往發洩 經此亦當驅意於此使知古人所遭之地無幾亦能動 序 為僭馬景泰三年歲壬申冬十月吉日慎獨子寓錦城 平陰王夫人王氏輓詩序

或曰隣有喪春不相里有殯不巷歌安有送葬而反歌 其力不言有歌詩也及觀春秋時齊將命其徒歌虞殯 禮曰吊於葬者必執引執鄉言送葬者必輓引鄉以助 大色日華上世 一 者乎子曰春相巷歌止於齊力而已執引執綿而歌者 歌之意亦猶是也或曰歌以寄哀則聞命矣果出於執 日鄉謳以生必於斥苦言必起於促急用力之疏緩者 解之者曰是送葬之歌曲也乃知輓歌之來遠矣莊子 不惟齊力而又寄其哀馬詩曰君子作歌惟以告哀輓 古獲集

出于執引納者而後可哉又曰公卿大夫之喪為之乾 鄉也不幾於妄乎予曰不然孝子之心雖極其哀然不 引鄉者之歌之也則可今之為輓詩者初則未嘗執引 母之情禮無彼此之間也記日自吾母而不得吾情吾 能自叙其情也必托之聲詩則孝情於是乎暢矣豈必 惡乎用吾情所以必索詩以哀其親者亦情之所不能 詩可也而夫人之喪亦為之可乎予曰此孝子傷其父 已也成國朱公嘗請子告日先母棄世得縉紳大夫輓

| 欽定四庫全書 | 八 於常情遠矣由是以知平陰之澤其未文乎 没之後猶倦倦不忘托於聲詩以叙其哀則其所存異 薄倫理而不由今公乃能從事詩書克為忠孝於親既 之嗟夫世之勋臣子孫率多溺於富贵視詩書為外物 德美行具載碑中不宜複贊特序較詩之所從來以貽 唇公固求之不釋也竊思王之豐功茂績與夫人之淑 母夫人神道碑銘皆子之所撰也輓詩之序不可以重 詩甚富幸先生為序其首子惟公之父平陰武愍王及 古環集

矣策就猶先於人第在高等子時數曰孔君所存所學 遺之即遣人召入問其故愀然日適聞父病亟也愈日 也会日孔氏子孫本朝鮮有與廷武者幸而有之豈可 恭與馬方武之初執事者報少一人驗其名乃孔公 恂 甲戌之歲三月一日廷武天下舉子簡命儒臣讀老子 計音未至宜就武如令孔君追勉從之時司晷已報 午 如此信乎為聖者之後也已而拜禮科給事中敷奏詳 贈少詹事孔君序

Ħ

飲之四事全書 人 古粮集 人之德之功同乎天地而慶澤宏行綿綿不替有不期 若安國若融若額達若巢父若道輔又其表表者益聖 才行功名事業後先爭光者自戰國而下可數也若藏 葵未春詹事府缺人上日宫僚務得正人如孔公恂司 馬怕可也遂同陸少詹事猾紳聞之無不依院以為得 人其僚友之學善者請文以為贈子惟先聖之裔文學 慎選才能列于無位既識君不欲輕用遲之益數歲矣 雅恭慎不怠士林莫不重之天順改元皇上復正大寶 去

者並美於千百載之上無幾其無愧乎君先聖五十 握以輔元良豈無自而然哉雖然未可以是自足也必 心誠矣數奏詳雅恭慎不怠忠君之志著矣今兹膺寵 倍發矣可不慎與觀孔君聞父病亟不肯就試孝親之 孫者乎苟於聖人之道而少有違馬其愧比之常人益 然而然者矣雖然天下之士讀聖人之書者莫不遵聖 使文學日富才行日高功名事業日進與前所謂表表 人之道而不敢違夫然後無愧于聖人之徒况為其子

人之為師出於自立者難出於受職者易夫自立者非 代孫是為序 仰之如孤松挺秀於黄茅白章之中豈易得哉若夫受 董馬隋之文中子宋之孫石程朱是已是數君子後世 而至益非學博識廣德尊道隆灼然可以為人模範者 有朝廷之命而四方之士自然景從雖十里之遠負笈 次定四車全世三 人 不足以致之此其所以為難也在古有能之者若漢之 送固始教諭姜貴憲序 古粮集

弟子之相違以勢臨之而已此其所以為易也若是者 職者非有自立之能而往主師席學不必博識不必廣 朝廷之命始所謂難易兼得者矣姜君貴憲江西番易 也生徒之他適以法拘之而已德不必尊道不必隆也 諾遂於處已接物之際互相察之自朝至暮予得姜君! 自古至今人得而為之今有人馬有自立之能而復受 有過相規明友之道也而今而後當留意母忽馬君日 人與子布衣交也相知最稔昔在鄧庠時予與之約日

まりせん とうし

人者其於師道亦可謂能自立者矣今乃膺貢而來恢 之失者不過二三而姜君得予之失者每至四五於是 與君不相見者二十年矣使吾不得聞過不幸孰甚兹 者自恃而尤以難者自勉庶以副朋友之望馬嗟夫予 然有造就人才之志遂得固始教諭君往矣慎勿以易 巍科齊無仕于以見姜君别後其學識道德必有過於 家入郡庠後進之士皆從學馬久之多有成效往往登 乃知姜君資質之美子不及也已而予登任路君亦還

一次正四事を書

古禄集

易及相從之舊為贈且寓責善之意云 復於何時而可得乎於其行也恨然于懷乃述師道難 獲會時方籍以相規而未及再期又復告别麗澤之益 何如與不徹之意安在及讀樂記至君子聽琴瑟之聲 予始入學讀曲禮至士無故不徹琴瑟不知琴瑟之聲 廉隅則志不誘於钦然後知不徹之意有在而琴瑟之 則思志義之臣解之者曰絲聲有廉制裁割之義人而 路恩榮序

金グロろん

二年秋上方留心於禮樂思得善琴者於萬幾之暇時 Cand The State of 一聽其聲音以養中和之德召臣賢以問因以浦君對 属其間傾聽之際雜慮頓消有不知手之舞之足之蹈 音節奏輕重疾徐各極其至而廉制裁割之義未嘗不 舍生渴選聞其善琴乃禮致之來浦君為一鼓之其聲 之趣則已識其一二矣未幾浦君權尹名邑而去天順 之也從而學之得數曲馬顧於指法雖未精熟而琴中 古穰集

聲尚未聞也已而登進士官吏部適浙之浦洪氏以上

去平地而上青霄也如釋重負而恣遠遊也如蟬之蛇 往來之人如絡繹然為縣官者奔走迎送之不服甚至 子殿之在單父也益是邑密爾南畿政務繁劇且公私 推官知縣又以為喜謂得琴堂馬既至句容乃知不如 持一卷來告曰洪自幼好琴誠得其趣思樂之終身泊 以騰飛而吸沆瀣於叢木之顛也自句容至京師雖數 不脱衣冠而寝稍或不及便為得罪一旦詔旨下臨如 乃自句容尹召至京改大理評事尋又進寺正浦君間


多少に居る言

していり ライン・ナラ 歲在丁丑之春皇上復登寶位改元天順簡任才能 恩榮之無忝乎 新庶政時則有若劉君克明居近侍任言責劾大臣之 尚圖報稱而勿忽使南風解愠之詩復見于今上庶幾 煩擾乃繪圖為卷題曰一路恩樂惟執事賜之一言乎 千里之遠不當若百步之近感恩榮之處加免叢胜之 予謂浦君以善琴召用獲被恩樂如此益非常之典也 質劉克明陞通政司祭議序 古懷集 칻

之鄉試登進士高第其經濟之暑平治之具必有卓然 右祭議已而敷奏詳明一時未有出其右者食謂上之 宣奏章者惟良顯哉適克明奉使親藩於外既還遂拜 不法者奏對開雅聲音嚴正聽之悚然令人起畏心上 其存於中者人尚未知之也吾聞克明早以禮經題陝 甚偉之越數月通政司以缺佐聞上曰朕得其人矣比 用庶績成熈不占而得奚雖然此特才之見於外者耳 擢用克明誠當其才也嗚呼咸若時世無遺才才無枉

|改定四車全書 | 命惟允夫以龍在虞廷任斯職也未聞不滿其才雖克 之通政即古之納言舜命龍曰汝作納言夙夜出納朕 或曰若子之言將謂是職未足以盡克明之才乎且今 言之任固云重矣非才兼内外者不足以勝之但克明 明之賢不讓於龍而居龍之官夫豈少哉予應之日納 出乎等夷者上將察其所存而起用之豈但如是而已 **蘊不可也予前所云特以遠大期之耳然則是職固不** 是職由才之見於外者而得必欲稱之非展其內之所 古穰集

不止於此在乎勉之而已都給事中王君鼓輩請予文 足以盡克明之才乎别克明年富力强才之所就終當 以賀克明予非長於文者解不獲則書此以貽之 古穰集卷七



而得之寡所謂獲十一於千百者也豈惟後世為然雖 今去數賢又若是其久矣問有一二豪傑之士頗欲振 然聖賢之生世不常有殆無異于祥麟威鳳之稀蹤也 學者能知斯道之彷彿然擇之弗精執之弗固失之多 吳與弼先生益有志於斯道者也予承乏吏部時凡有 作其間然於斯道之全體終有憾馬嗚呼艱哉若崇仁 與有周程張朱者出馬於斯道也始能大明而允蹈之 聖門高第顏曾之外未見復有純者寥寥千載追宋之

交章論薦竟亦不起天順改元子始被命入内閣言及 先生學行之懿忠國石公慨然上疏薦之朝廷遣行人 自撫來者必詢先生之動履造詣何如卒亦未有知其 齊璽書幣帛往聘於其盧既至京師上喜其來陛見之 引避者宜然不復計念後有出於其門及遊宦其地者 詳者當致書以伸景慕之私既而累年記無消息意其 加先生以衰病不能供職固辭上堅意不允留之數月 日即拜左春坊左諭德召至文華殿從容顧問罷養有

たころ EL Cotton !!

古粮集

仍遣行人送還故里令有司月供廩餼冀有精力著書 懦夫立為大有功於名教以今觀之皇上之量尤大於 范文正公謂嚴子陵與漢光武以道相尚而使貪夫廉 以迪後學聖心者望如此其盛益曠世所未聞也昔者 見其病勢弗已乃允其辭復賜之璽書資以白金彩幣 光武與弼之志不下於子陵君德由此而益光士風於 哉予既得與先生面見其學極高明動遵古禮有深造 是乎大振而國家元氣亦將籍此益厚矣豈曰小補之

金好四月石書

落成之日往賀馬先生聞之乃復見招初約在九月望 買諸南隣而大之新造廳事乃得面陽予與同官者 者乞子言以贈嗟夫子言爲足以軒輕先生哉健美之 翰林學士劉先生所居之宅在西長安街中面北即王 自得之樂願留以自輔而不可得也告别之際遊其門 文安公舊居也而劉先生居此亦十年矣今年夏始克 餘有不能已馬耳是為序 質劉先生新居詩序 期

欠已日重公島

古穰集

年大区屋と 情胥悦先生羅列甚豐子以為過矣先生曰客以為豐 則寒風大作又明日昧與方止乃十七日也是日内 閣 責人之厚也今主人自欲厚之非客之責也已而酒 將 日如春陽之暖天宇晴明纖雲不與舉盃相酬廣主之 文書頗靜吏報正午予與同官者乃出造而賀之至 則 日既而移約在望後二日及臨十五夜則雷雨大作書 令以樂之子曰君子不盡人之歡先生曰盡人之歡 者 主人以為嗇各用其情也既即席酒數行先生復請為

開窗主皆沾醉而威儀不太子謂先生待 夏之意甚 威 成之聚實及主人即繼成之項刻問無未成者宣乗與 漫寫一韻五字以示衆賓予謂引王者先拋其磚乃速 不可虚辱宜各賦一詩以去遂命先生之弟行人寅之 而作有神相之與于是主人喜斯會之雅複勸酒數行 盡醉而罷明日先生請日席上所賦之詩謹為冊録之 意可也予惟此會可以見賓主以和相感之效馬向使 以示永久雖然必得執事序其所以然使人知作詩之 欠足可事心性可 古模集

騷賓主之情必有索然者矣豈能賦詩而盡歡哉今移 天人感應之妙矣先生名定之世家江西之永新其先 道合舉措得宜而盡人事之和則天時之和自然應之 其約而得天時之和若主人知而擇之者非偶然也夫 約而不移業已為之安可中輟將見雅埃滿席凄沒蕭 君子儒行甚高先生得家學之傳為文必追古作方角 不然或有一人垂戾于其間未必得此吾因是有以知 天時之和實由人事之和所感名惟為廣為主者志同

也席問實主共十人各列姓名于所賦詩後茲不悉數 文淵閣之下有花臺馬列芍樂三本聞自宣德間章廟 生之名乃其子也寅之亦登進士第先生長子稼復領 文今有之必永新劉君也逐擢為第一己而開卷見先 藝春聞時泰和王先生知貢舉見其策驚曰世未有此 鄉薦餘子七人如玉如蘭然則斯室之新其慶未有涯 王堂實花會詩序

たらりまたまる

古粮集

當幸閣命作是臺特植一本居中是也景泰初增植

望後林李劉倪錢諸先生偶來聚觀杖葉始茂予因戲 未當一開天順改元之初子方入閣時則同事者四人 本左右是也又聞宣德正統時歲常有花泊增植之後 金月正是 白雪 居中一本遂開四花佳者惟一枝耳今年春季前前芽 四日遂各吐藥於欣然若解人意吾之賞業乃成初 忽出予與彭吕二先生往來目之未敢必其開也是月 不必其數也明日會者八人花即盛開八枝各獻芳妍 曰此花若開必共賞之又數日有緑萼馬首夏上旬之 亦

尺三日日日 A +17 之偉人也後世誰敢望之偶因賞花一事而比論其所 魏公之有意益亦合乎天數之自然矣嗚呼魏公一代 然魏公四人皆至於相亦豈獨係於人哉由是觀之則 帶圍四枝魏公甚喜乃選客具樂以賞之益以人合花 似亦非偶然也因思昔者韓魏公在廣陵時是花出金 無不佳者成以為異以理觀之固出於適然以數觀之 人之數也夫人合花數者係於人花合人數者係于天 之數也予今會客以賞花初不取合於花數益花自合 古穰集

數首諸先生在會者亦皆和之但取適情不拘首數時 金に人口人と言 惟廷臣黄先生以足疾不赴會明日復開一枝廷臣當 者曰玉帶白居右深紅者曰宮錦紅子作詩一章復和 亦屬和之且謂區區不可無言以紀其實也遂序其所 之亦和數首已而闔院青宫諸僚友咸喜為玉堂盛事 以然耳諸先生日此禁苑之花又非廣陵者比然三本 由於首云 三色宜製佳號逐名居中淡紅者曰醉仙顏居左純白

情之可測哉夫教官者道義之所寓也先生惟以道義 之階梯也孰肯舍之而他適乎偉哉紀先生之為人也 貴利達矣若登名進士其勢漸可以得君乃富貴利達 始無跬步之勞顧乃舍之而顧就教官則其所見豈常 先生早以淳篤之資博雅之學登名進士於富貴利達 人之常情仕則慕君不得於君則熱中益得君則得富 存心故能不以得君為念視富貴利達不知為何物也 澶淵紀先生輓詩序

た正りしたます

古穰集

哉嗚呼先生逝矣而其制行之高無愧於古人者不可 義而已外物不足以動之也古之聖賢君子所以異於 易曰艮其背不獲其身行其庭不見其人言所見者道 情之發有不能自己者其子工科給事中欽裝潢成帙 卒歸於鄙夫之域而已吾於紀先生安得不擊節熟賞 人者在此奈何世之人不知天爵之貴而惟人爵之慕 請予為序予與先生同官吏部聞計之日已當為誄辭 **泯也宜乎措紳大夫景仰其行作為詩歌以輓之益亦**

TELL TO THE

贅 大者冠諸篇首若夫歷官行己之詳具載狀銘者茲不 宣德癸丑子始至京師舉進士見翰林諸先生衣冠 濟 生視之或前或後或長或幼零落俱盡而先生獨存何 濟無慮數十人若林先生其一也今三十餘年矣以先 異於眾芳摇落之時而孤松挺秀者乎噫果何脩而得 章以寄哀矣概念平生不可復作乃以先生所存之 送林先生致仕還家詩序

飲定四車全書 八

古粮手

氣質沉靜而不躁處心平易而不險操行端潔而不污 稀年之上者在今惟先生一人而已曩者先帝復位之 位也然則安享禄位於悠久者得非有此衆善之所致 雕然身不勝衣而志不餒也怡然自得其樂而思不出 此也予當以理觀之先生之為人也德性堅定而不 帝謂臣賢曰此淳雅君子人也不可釋去自後先生屢 乎威矣哉當太平無事之日從容於館閣之間而壽至 即進先生為翰林學士又明年先生以七十乞歸 移

去誠以先生正人而儲德賴以成之也兹者皇上臨 馭 |導之日亦上疏乞歸而先帝留之至再至三而卒不釋 漢之二疏職雖不同其隨侍東宫而輔導之任則同也 疏懇辭皇上重違其意而允之子惟先生今日之歸視 十又五筋力衰憊如此尚可戀此厚禄而不休即逐上 求致仕以先帝不允未遂所懷今皇上嗣登寶位念先 二疏當輔導之日上疏乞歸宣帝即從其請先生於輔 生隨侍講讀日久特加太常之秩先生慨然日吾年七

欠已日重 全世

古穰集

金次日天之門 予當以為仕途通塞造物自有乗除之數不必容心於 身歷官歸老之狀而子為之序云 近耄耋禮在優閑所以遂其請馬先生歸矣凡同官者 老成既去而後進無聊乃作二軸分題為詩以寫其出 且喜且惜喜則喜其保全晚節而俯仰無愧惜則惜夫 天下先生為舊學老臣尤不可一日不在左右奈何年 其問歷觀古今居仕途者有以知其故矣益得意於前 贈南京翰林學士王君詩序

未滿之時厭其淹而思欲振之其奈造物之未許何又 其淹也已而居侍講也曾未期年而有春坊無子之 使王君於復遷之後懼其驟而思欲辭之其奈造物之 甲第即為編脩守職十有餘年之久方以秩滿而遷 必失意於後蹇滯於始必顯達於終或前後得意而中 又未許時而有南京學士之權何其驟也假使王君於 反是未有不怨天尤人者馬且以毗陵王君觀之 則失或始終蹇滯而中則通在君子惟居易俟命而已 何

欠定四車 全生

古穗集

矣士之處世如此則名節豈有不全風俗豈有不厚而 意耶試觀前代學士之選拾張泊而用畢士安拾梅詢 博之學醇正之文為翰長於故都固綽維然有餘裕矣 德行為之本王君所存固異于人而又以明敏之資廣 國家治道宣不賴之益盛哉雖然古之論文學者必以 無意何然則王君之所存亦不異於居易俟命之君子 使惟此自足而忽於踐履操守之間亦豈朝廷權君之 而用楊億寧用實儀而不用杜難寧用劉汝而不用曾

生ラレ

The still of

賦詩贈之而予為之序 肇則命官之意可知矣闔院僚友樂君是行分為十 致仕家居題四言詩一章於卷以惠雄有勉承世德之 予日雄之婦翁兵部尚書兼翰林學士苗先生也先生 義惠劉侯繼祖之孫祠祭署祀丞雄者持世德堂卷謁 惟大君子賜之一言予聞義惠侯世居鳳陽昔太祖高 句故摘以名堂欲常目在之以景前人之德而自勉也 とこり にき 世德堂序 古穠集

皆淳雅端謹樂善循理而世德不替馬今雄繼為祀丞 署丞孫鏞繼之曾孫謹復繼為奉祀京復繼為祀丞率 葬帝之考妣則今皇陵是也帝得天下之後合侯之思 皇帝微時侯以鄉曲之舊當助其不給已而復與善地 侯已亡矣特贈為義惠侯賜侯夫妻語命具道其事複 乎人之濟人者與人之濟人所濟者不過尋常之流耳 官其子以報之益劉氏世德自侯始侯之子英為祠祭 乃以世德名堂可謂有其實矣雖然侯之濟人其諸異

賴侯之濟不至窘迫一旦出而治世天下之民咸被其 尚獲顯報于身于子孫若侯之所濟者非常之人當時 諸異乎人之濟人也然則侯有功德於國家如此所以 澤君子推本未有不大侯之功德者故曰侯之濟人其 次定四車全生三人 之其劉氏之謂數 偶然哉吾知劉氏之澤未文也詩云子子孫孫勿替引 慶流後裔一門五世成脩其德籍組相承媲美于時豈 贈太醫劉君序 古穰集

劉英氏視之日風熱所致也其勢方風不可急吹樂其 成化改元端陽後五日子左頰中偶患腫結即名寫醫 所感也適有親識以一醫來視之日此易易耳痛可速 之劑所患自若樂力既不能敵其痛乃不可忍入夜尤 急欲止痛又恐其術不良醫者欲售其樂曰不然只內 劇予以英之技止此欲改圖之英且囑曰慎勿為他醫 上無以解明日再視復吹之又明日亦然且相以消毒 止問其法曰必潰其外以出其毒今夕可安枕矣予雖

次定日草 白色了 若不待成疣而先時强治之是欲速而反運也吾驗此 潰可也子念英之言竟循豫不决及視其藥若黑油然 患處日腫今成死可次矣徐以失刃决之膿即潰出予 及乎吾恐患者未愈而爛者方殷也刀以指入口探所 幸甚此膏著肉糜爛矣况欲置之頰中安能保其不傍 醫者既去持以示英英大驚日已用之否曰未也英曰 何疾勢不可過第以樂力防閑之使之不至散流而已 殊不覺英大喜曰無恙矣吾初非不欲痛之速止也奈 古穰集

一英言輕聽薦醫之說祇自苦耳囊者予患足疾亦痛不 金少世是白雪 英父院判君來視所患處一决而愈英之父子妙術感 寢又數日而愈子惟人之有疾不可不謹也向若不聽 多矣堅守其法不敢違馬膿既去痛即止是夕乃得安 贈之 行子嘉其醫道精熟如此將來名位未可量也特序以 見效於子子何幸哉今院判君辭世矣而英之術方威 可忍名醫治之但數樂其上而痛愈甚朝廷聞之亟命

大巴四草 白生了 其學之疎也文章可述而事業不著者是其命之蹇也 一哉由學與命之不同也夫事業可述而文章不著者是 植木但有質熱而無花葉則為枯槁之木矣士生斯世 之志文章所以著平生之學事業而濟之文章則益顯 亦何當不欲事業文章之兼得也然而兼之者鮮馬何 文章而本之事業則益重若徒有事業而無文章譬之 古之君子有事業者未當無文章益事業所以伸平生 楊文定公文集序 古穗集

學著于文章方之古人豈多讓哉会憲董君應較於公 窮及觀其所為文章則辭惟達意而主于理言必有補 苑領官僚又進而直弘文入內閣輔導之功論思之績 學必優馬命必通馬事業文章斯可以乗得美今之君 論嚴重老成有臺閣之氣象馬然則公之志伸于事業 子能若是者楊文定公其人也公早以進士甲科職翰 於世而不為無用之言論必有合于道而不為無定之 經濟之界者于五朝聞四方者可以傳之乎百世而無

大小可見ときす 為鄉後學得公之文壽梓以傳求予序鳴呼公之文章 漢之董仲舒揚雄隋之王通唐之韓愈亦皆有志斯道 中間千數百年學者於斯道渺渺茫茫無異於夢中若 組耳遂三復其業而歸之 人序公之文固所願者獨以晚進孤陋不能發公之所 嗚呼道不易知也宜乎知之者寡自孔孟至兩程夫子 以事業而見重於世必矣何以序為第予素慕公之為 一程全書序 古穰集

殷勤著述以傳後世求其造之深而知之真者卒未有 而已雖然宋之大儒於斯道造之深而知之真者尚有 馬由是觀之道果易知乎向無兩程夫子以出類之資 深造是道而發明之則干數百年之後學者復如夢中 而學馬實有得於兩夫子矣至於朱子集羣賢之大成 子矣張子雖云妙契洛書及聞兩夫子之論盡棄其學 而兩夫子受學之後擴充廣大發明親切其功過於周 其人顧賢獨推兩夫子者何耶益周子雖云默契道體

金月也是白雪

卷八

去兩夫子四百餘年學者不見其全書天下缺事無大 於無窮則續孔孟干載不傳之緒者含兩夫子其誰哉 兩夫子發明斯道之言具載是集顧賢何人而敢置喙 其書而集之名曰二程全書欲刻梓以傳求賢為序夫 於此矣國子監及問馬錫捲捲訪求兩夫子遺言盡得 然則兩夫子之書學者所當尊信與四書並行可也今 之中摘庸學語孟四書為標指而發明其理以示後學 則又神會心得於兩夫子之言而與起者觀其於羣書

文正日前公里

古權集

若夫以誠敬為入門以踐履為實地脱於言語之間而 進之非退而合義則退得其道而無苟退之失不然則 賢亦忝在鄉邦云 進退以利而已世之學者非不知義與利之分也求其 君子進退以義不以利進而合義則進得其道而無俸 得心傳之妙則在學者所自勉也禹錫兩夫子故里人 於其問景行之餘不能自己特著其梗緊于編首如此 金げてたる言で 送禮部侍郎李公南歸詩序 卷八

有日矣以利言之安可去乎而克述之志則不在此意 去自常情觀之熟不曰事已就結業将告成進官錫資 李公見之且以求退一事而言今天子以克述博學能 今之君子能察二者之弊而惟以義進退者吾於克述 為私欲之所敬邪夫知之有未真者其失猶可望其改 文命脩英廟實録而為總裁之副一旦以徵疾拾之而 也其為私欲之所敵者吾恐然其身矣嗚呼可不察哉

進退以義而不以利者何其少邪豈知之有未真邪抑

Raid With

古穰集

歸莫之能禦視前所謂利者不啻浮雲之輕漠然無所 故君上不能留僚友不能止親舊徒與恨别之懷士林 謂晚節不可不早圖也四時之序成功者去天道自 然 徒惜老成之去而克述之心惟見義之所宜退浩然而 况嬰疾未愈思郷日切於此不能見幾而作尚俟終日 不可違也年臻六十子已登科官途有繼亦可休也而 動於中也名節從此而益全廉恥由是而益振國家有 可乎所以幡然求退不愛輕肥而直欲遂林下之願也

多分四母全書

歌定四車全書 人 古境集 者克述尚體之勿拂馬此予之志也 者豈可多得哉詞林僚友重克述之行欲侈為詩文以 其復來實今天子人惟求舊之意重用老成而不欲釋 而已今克述又云别去在予尚忍言邪雖然疾愈而望 零落殆盡今在朝者惟秋官卿陸公及克述與予三人 同年友也宜為文以寫其情素噫吾榜百人三十年間 肚之乃分題十二叙其歷仕始末之詳以予與克述為 斯人而道益光鄉間有斯人而榮益彰然則如吾克述 <u>大</u> :

輕重故為孝為忠亦不能無大小之殊馬今之位崇 而 忠於君矣若見用於世者登要津齊膴仕立身揚名以 為不然夫為人子者終身事親不干仕進是固不能盡 任重若吾僚友彭先生純道其一也純道以進士第 顯其親謂之忠孝不能兩全可乎第以位有崇庫任有! 臣子所當盡者忠與孝也說者謂忠孝不能兩全予以 人歷官翰林居論思之地司輔導之職典領機務祭决 送兵部尚書兼翰林學士彭先生省親詩序 吹 定四車全書日 一古旗集 親之膝下也吾今違養十有六年矣而家嚴之壽七十 忠孝必如此庶不失其情馬且以有方為言以見為臣 大議主上獨加者注百僚為之具瞻其於忠孝不既大 者各守其職有一定之方不必務在君之側也以無方 方言事親也左右就養有方言事君也事君事親雖有 乎純道曰此以理論忠孝非人情也禮云左右就養無 為言以見為子者不分職守無一定之方不可一日 離 無方有方之别而左右就養則無彼此之分臣子之盡

眷戀不起之懷俾之乗傳而往賽子加厚復以中貴人 是不得已而許之又慮純道歸見其親情不能含必有 矣於是上疏惡乞歸省上以純道如左右手誠不欲暫 有八縱不得日在親側而得一面於垂老之際亦無憾 制作賴之脩飾馬凡百政務賴之赞畫馬而又欲主德 釋重念父子之情不一遂則又再以孝治天下之意於 日進於光明國是日臻於全美主上之所委托士林之所 輔行無非欲其來之速也夫來之速者豈徒然哉凡百

TEXTED HOLD LAND 19/ 道不足以當之 之所係豈直泰山之重哉同官者於其告别不能默默 如此若夫去來之榮具載題詠成世之所稀有者非純 道其情第愧才思疎淺深有愛莫助之之數姑述其緊 乃分題賦詩以壯其行謂子與純道相知尤稔宜為序以 古穰集 主

期待而僚友之所願望者無不在是然則純道一身

金以正人口人

欽定四庫全書

古穰集卷九 集部

詳校官編修臣程 槐

中書臣劉源溥覆勘

總校官原任中九 臣王燕緒 校對官中書臣李 謄録監生 臣官懋弼 勝録監生 臣張

恒

次之四草全書 或異或同何也日吾兄弟為名字不較其傍之同者 同取以類也今子與若 吾長名賢次謙次讓也 明 李賢 撰 得為之奈何父師之命也吾何與馬謙與讓何憂乎以 名将見鄙於人人矣不可一朝居也亟欲解之而不可 也夫有其賢而别其名不害其為賢也無其賢而冒其 當况無其實而取以為己名若固有之終身者斯何人 皆德之稱也而賢為德之總名謙與讓一端也嗚呼賢 豈易能哉一譽其賢於人雖有其實必為之退避不敢 其肯下乎必欲造乎成德之地而已曰賢曰謙曰讓固 取其義也父師之命也吾何與馬然則父師期子弟也

乎免吾之責矣記曰兄良弟悌弟之所以悌者以其兄 乎見之必謙讓於終身吾之責可追也一不謙不讓難 我為賢謙而讓賢之致也謙而不讓非賢也讓而不謙 **翕和樂且耽子日父母其順矣乎父母順斯不負其所** 是乎難其為人矣謙與讓何責馬下吾之賢否於謙讓 非賢也而况不謙不讓乎將何以副父師之意也吾於 Prid man Arthur 期矣顧名思義吾兄弟勉之哉 之良也在我者必如是而後天倫之道盡詩云兄弟既 古穗集

大戲躍自得觀之者環步垂延而不敢犯村有漁者不 金月口尼月雪日 由是見者潛持羊酒栗帛以縣之始肯一告求者既多 告之亦衆衆既知之懼前所聞猶豫不往漁者利其路 里人見之驚其得魚大且多爭問所自漁者斬不以告 勝其欲獨掉往捕之飽其船以歸潭亦寂然無所靈異 步外漸潤成潭水深莫測相傳有龍隱其中魚大至尋 湍之北涯有港馬水自湍流滙而為淵始容小舟入百 捕魚者說

人之趣附權勢也亦然方見其赫赫之權炎炎之勢可 惟一二不從往者無悉嗟夫漁之貪利而蹈害也如此 皆驚亂迅雷大震墨雲匝地烈風暴雨驚電閃爍漁人 必深彼必會其未知耳其可再乎獨不從已而漁者進 者與俱於是隨以往者十八九惟一二熟計之謂龍處 溺死過半得附岸者神飛心悸不知言語飲食者累日 從者繼之至潭方捕之頃水忽湧溢漁者不知所在餘 口傳有龍者妄也昨者吾捕良久寧不與起邪能我從

欠近日野山地の

古穰集

之遂也時則思其布置之勢得獸之狀可愕可喜欲獵 金大巴人 子在厚時開撰而喜未之想也尋於郭外親之而好未 士之立身者鑒馬 欲已而天道一選權勢既滅趨附之人建禍莫逃與從 以富人可以貴人莫不趨之附之百計效勤以餌其所 之心愈不可制逢歲之暮例得休暇庠之友聚而往獵 漁者何擇馬惟守道乗義君子能遠之也録其説以為 獵 說

欠足可巨在生 未已主人固解始免予畏其殿擊心膽戰慄不能自持 舍衆以追予進至村家得理機者護之梃不可施怒猶 張氏其背之地盛茅衆日此中有藏可雅矣布置於下 則必相殿擊衆以予怯令挾一旦奔而西張氏子望見 其火盡家人持挺來追衆皆徐行待其至予獨懼謂至 其一眾以為不利復收置以西不知其茅擅於張氏見 風縱火以驅果見獐東三五驚馳至且躍而脱之莫獲 古樓集

一馬予即欣然以隨出乾方過湍流數里有村村之北 曰

獵之心遂絕既而思之張氏子我師也勢雖不同而 理 者之弊乃贯人斂之耳吾鄉之民朴鈍少慮善農而不 也豈上之人侵漁或下之俗侈靡邪已而硯之益非二 吾鄉地廣土肥民亦竭力其中而卒無千石之富者何 已而同行者亦至相與無然初與皆沮以歸予自是好 善賈惟不善買而四方之買人歸馬西江來者尤衆豈 縱使嚴師以實楚臨之又何加馬作獵說 吾鄉說

年プロスノアリ

啻倍從奈何吾人客不計馬一有婚喪慶會之用輕因 徒善賈謫而且智於是吾人為其勞力而不知也方春 寧有既乎吾鄉之民坐是卒無千石之富尚不覺悟若 由是終歲勤動其所獲者盡為賈人所有矣專此之利 之初則境於眾日吾有新麥之錢用者於我乎取之方 夏之初則白於市曰吾有新穀之錢乏者於我乎取之 其便而取之逮夫西成未及入困買人已如數而斂之 凡地之所種者賈人莫不預時而散息錢其為利也不

Prida to A. A. To

古穗集

銀河四月百十二 嗚呼農可憫矣而不憫者不見其勞也不見其勞而憫 恃賈人以生者寧與之利而甘心馬嗚呼朴鈍少慮 至於此惟長人者能禁其弊不數歲而吾民富矣 勞人之願也願之所以如是者身也人之身逸則樂勞 子非聖賢也而憫之出于情見其勞故也夫好逸而惡)非其情也不見其勞憫之而出于情者其惟聖賢乎 憫農説

則苦出于願者本於身故也斯願也農敢遂乎故必矯

欽定四庫全書 勞極其苦而尚慮天災是以終歲勤動於田野而五穀 勤動之有然而不敢不勤動者其心以為勞其身斯無 不可必得夫百工技藝身無暴治之苦苟有勤動利無 休密雨可避也沿其體而不少輟手足龜馬髮庸污馬 斯願而勞其身若好之者炎日可畏也暴其身而不少 夫勞其身而得者常也或不得者變也故曰耕也餒在 慊馬穀之得否一聽 于天也未有不勞其身而有得者 不得者嗚呼農可憫矣勤動而必得可也不可必得何 卷古 九穰 集

為人牧者 其中矣不幸而餒馬其可憫也甚矣作憫農說以達夫 過准説

者眾予遂登舟將百步許波有微痕舟入喜曰浪果平

舟如瓢馬隨其勢而上下之執檀者悉磬折馬浪花噴

矣又百步許浪勢漸大舟人疑之將近中流浪大如屋

予苦為進士奉使過准欲渡至安東會風阻至晚而息

泊曉或曰浪平可渡矣或曰中流尚未平也已而言平

欽定四庫全書 慎獨子有四友馬同處於虚靈之室方其初也無泛雜 命可也予則風未息而渡不能審之於初也倘遇其患 子中流而遇風波非不謹之於初也苟罹其難付之於 是與立巖墻之下者無異不知命孰甚馬 險不懼而子懼何也予曰彼賢者也子何能馬雖然程 可退有進而已予甚怖既而抵岸或日昔程子中流遇 入舟中舟勢閃側予不能坐立呼其退止舟人曰勢不 四友説 **医古**捷集

言面或偶然相遇於途亦不回避慎獨子視之漠然暑 共處而已人見四友而數曰不容何病不容然後見君 遂疎四友而虚靈之室不容見入昕夕之間惟與羣小 獻媚慎獨子日見親密自謂愛已者莫此輩若也於是 未曾與之首合慎獨子或不能堪猶未疎也既而羣小 之交惟四友相隨慎獨子待之甚善然四友性各不同 不少介於懷識者莫不說其愚也至於晚年多聞前言 子然四友皆存心忠厚雖被疎外曾無一毫憾意見於

之德将老而無成抑誰之過與從此奮然盡疎羣小然 子責耶慎獨子聞斯言也感愧交集乃為之誓曰而今 子也勢不能也今幸能自脱吾輩喜慰之不暇而暇為 惑一至於此吾輩憐子陷溺無計為子脫之非不忠於 後內袒負荆謝罪於四友而四友惻然日子為邪類所 痛自咎悔且曰四友於我何負馬我乃見疎如此使我 往行漸覺為羣小所誤無益於已一旦翻思四友之善 而後所不與四友同者神明極之然四友不知其姓

次足四事之書

古穗集

識者比敢不盡心輔子必使令聞廣磐施於子身務期 子之德當曰吾輩與子與生俱生非一日之雅一面之 之所長行之不敢自有成歸於慎獨子以故遂成慎獨 不負相須之意馬慎獨子歎曰若數子者真吾之死友 由是深相結許動止出入必與之俱四友者各以其善 端莊謙遜雅有文彩一則明哲通變能別是非慎獨子 則稟性温和為人慈愛一則負資剛方臨事有斷一 也遂終身交好不渝卒償其誓云

為遊戲憩卧之所在在處處問不遺穢書而拂之夜則 真鼠之點者予謂此類安可縱之乃謀諸左右設機以 復然雖密其窓户必得隙而入或新裝書冊稍不閉藏 捕僅得其一二馬由是益横凡枕席几案書史圖籍俱 甚怪之左右日此鼠閱人多矣自永樂宣德以來皆然 檢之往往為鼠所齒及見羣鼠往來自若暴不避人子 天順改元子始入閣自幸得見平生未見之書時開厨

CALIDUAL Achilo

古穰集

金万正月白重 得耶記曰迎猫為食田鼠也猫之職固在捕鼠以除害 懼者又有與之同眠相戲相當者然則若此雞奴豈易 色頓使羣鼠潛踪避去何哉或曰此其職也天賦其能 爾予曰豈盡然邪有猫見鼠而不捕者有鼠見猫而不 晨視遊戲憩卧之所悉無遺穢子且喜且異夫以內閣 必碎其裝而盡其糊不勝其擾乃市一小貍奴置閣中 深廣而狸奴以偿小之驅力單勢弱一入其中不動聲 如貍奴斯稱其職無愧矣嗚呼士受朝廷之職者視

雅奴亦盍警與作雅奴說 壽說

子宣德中請京師舉進士當時公卿不過三楊蹇郭吳 之數如過客馬議者莫不美胡公之悠久已而致仕還 十餘年如孤松挺秀為之僚佐者已經二十餘人謝代 胡數人而已久之相繼以沒惟宗伯胡公獨存居官三

家又優游數載壽八十有九而卒予於其既卒之後思

之似與向之早沒者均馬亦無先後之可較也嗟夫古

古粮集

三人での ライナー 一般

金万正居石書 萬物之形不出方圓二者然草木鳥獸之類由天生者 之老彭老財亦不免於死君子惟令名之可貴爾壽足 其形圓惟器用室宇之類由人為者方圓兼之大抵出 饒而於壽之短者必以為虧欠而惜之也 無乃昧夫達 也樂於久而悲夫暫見古人壽之高者未當不美其便 多乎哉宜論者以彭殤為齊也雖然人之常情其處世 人之大觀樂 物形說

天包乎地地如卵黄益亦未嘗不隨天而圓其形馬且 水水亦隨天之形耳以類而推之莫不皆然于以見造 形耳水波之静雖曰平馬以物投之其紋必圓葢一 紙窓之隙初無圓者日來射之其影必圓益亦隨日之 不出於自然乎曰以地為方者據其平言之也殊不知

於自然者未有不圓而方者反是益圓之出於自然者

以有理為之主也理即太極假使有形無不圓者故周

子為圖以示人亦必圓其形馬或謂天圓而地方地豈

有如是之德之文皆天之所賦與也在人安能違天之 遭患難終不至於死也孔子自謂天生德於予桓魋其 如予何又曰天之未喪斯文也匡人其如予何言在己 患難以勢觀之决不可免以理論之必不能害所以雖 是夫天生聖人豈偶然哉如大舜成湯文王孔子皆遭 或云聖人無有不善終者以其有周身之計也此說非 |銀定四庫全書| 化之妙矣 聖人説

也豈賴問身之計哉 意而害我乎由是觀之聖人所以必得善終者實天意

天下鳥獸有畏人而不依人以為生者鴉鵲獐鹿之類 雀鼠說

惟雀鼠之為物也不然畏人而依人似乎可怪既而思 是也有不畏人而依人以為生者雞鵝牛馬之類是也

之益亦出於不得已馬欲不畏人則必戕其命欲不

依

久已日巨 AIT 人則無以為生是以雖依人以竊其食而穴其居其心 古穰集

臣者不可無此書而為守為令者捨是無所用其心矣 子觀董氏所集救荒活民書其用心仁矣哉凡為君為 之驚恐畏懼未常項刻忘人之害已也幸而獲保其身 金グルをとう 奈何世之人見人文集雖無益於世者必汲汲然刻梓 則其瀕危歷險豈可一二計哉人推此心庶知二物之 可憐而不至於甚惡之也 題跋 讀活民書

好名如唐太宗者嗟夫天下未嘗無包公也第以仁宗 予讀包公奏議乃知宋仁宗之賢三代以下絕無而僅 書未必不擊節歎賞也 有者其所以客受直言益其天性之美初非出於勉强 以傳視此反不挂意益不知當務之為急者也程子云 一命之士苟存心於愛物於人必有所濟當時若見此 讀包公奏議

人の日の いきり

為難遇耳包公奏議仁宗賜之也天下之士為諫職者

古襄集

金历正母子言 後已或未見從章必累上不敢憚煩至有二十餘章者 者初不以利害自計必上章懇陳其不可期於必從而 之禍可勝言哉觀趙清獻居臺諫於人才進退之未當 進退人才固人主之柄不可下移也然而進退未當者 果遇仁宗則其奏議未必下包公也若曰有仁宗為君 不有臺諫論列人主無從而知之由是奸邪得志國家 而無包公之奏議尚何諌職之為乎 讀趙清獻奏議

是職者聞清獻之風當報然慙靦汗下沾衣也夫羞惡 沒特贈太子少保益文敏既動工部為建墳瑩益祠堂 之心人皆有之不然則非夫矣 猶不見從必自求貶黨閉門待罪彼依違顧望的且於 復動禮部令有司歲時致祭永為常祀嗚呼仁廟之心 伏都仁宗皇帝即位之日慨念詹事府少詹事鄒公己 恭題仁廟御墨

文三日上上上十日日 | W

古穰集

誠念公輔導勤勞而報之必欲稱其情馬賢聞鄉公為

校官為州守而學行之高已重於士林既而預脩高廟 常遠矣報典之厚豈偶然哉今禮部左侍郎幹公之子 選為官僚程無子以至少詹事其輔導之功必異於尋 草平南獻俘露布出黎大藩入為郎署是以受知文廟 一實録復脩永樂大典為總裁又嘗訂定鹵簿冠服儀制 勝景仰豈但筆力適勁可追前代之雅白而已哉其篤 也以所藏御筆動文製為卷軸持以示賢拜觀之際不 於待臣之禮可以度越前古為子孫之永鑒矣公之後

一生に人口でんとい

益足以見所存之高昔李愿退隱韓子述愿之言為序 仕途中每逢除夕必作詩見志至於悲遊劍思歸二賦 歷清我而林泉之趣未嘗一日不往來於懷也觀其於 勛部陳君為人恬退無官情雖為明時一出登名進士 觀感與起而振其家聲於無窮者乎 嗣當寶而傳之以昭前人遭逢之威百世之下將無有 跋寫懐録

Strip int litin

以送之形容賢不肖之態雖盡未必愿自言也惟陶潛

夫官遊其地者莫不惟所鼓舞形於詩歌題其卷曰旬 **禿鶩數萬結陣而下食蝗以盡禾乃登凡汝南之人與** 政宋公惕然于心馳往視之捕令未出引咎自責仰禱 歸去來解乃是自言其情如此觀陳君此録益有過於 金片口唇有書 于天其意益謂求之天而不得乃舉捕極之政馬忍有 愿而無愧於潛矣嘉美之際題其後而歸之 正統戊辰夏河南汝陽蝗為災官民憂懼走報藩司祭 題旬宣異跡卷

求之天而得之不復人力之需馬豈不異哉雖然匹夫 持議不同謂崇知求之人而不知求之天懷慎欲求之 奏不可坐視不救乃出捕蝗使懷慎謂天災不可以人 宣異跡間出以示子予聞唐姚盧為相時山東大蝗崇 行此一事可謂本末兼舉無二相之偏矣况先本後末 不可以崇能去災而遂以懷慎為潤於事也今觀宋公 天而不知求之人雖均失之偏而懷慎之言要為知本 力制宜脩德以弭之崇不從而蝗害記息先儒論二相

大巴田里 白世

古穰集

輩益不足尚也 陽之蝗不能為害也傳曰至誠而不動者未之有也不 復陞兵部侍郎今事業日富德望日隆極其所就姚盧 矣公曩以祭政報最而來為上所知留為太僕卿未幾 誠未有能動者也吾於息蝗一事可以知宋公之平生 方之民休戚所係者宜乎此感彼應捷於影響而汝 念之誠尚能感天動物况居方岳重任承宣政化而 讀宋朝經濟録

漢唐而已哉雖比隆三代可也 吾觀宋朝經濟録乃知宋之所以有三代之風者實由 諸類知無不言言無不切凡人之邪正事之利害無不 上聞而慶歷元祐之時為尤威其經國大猷豈直逐過 於此嗚呼威哉自太祖而下九主率能開通言路其間 名臣無慮二百餘人於天道君道禮樂刑賞財賦兵我 跋趙子昂書陸士衡文賦

大正可しいます 一

文章雖為末技不專心致志則不得其妙觀陸士衛文

古穰集

者必有言非末技也末技云者詞章之文士衡所賦是 胸中所蘊一氣流通如風行水上自成文耳所謂有德 是文則是理有缺苟有所作不為無用之空言况據發 章之功非望空想像億度而為之也其用心之勞可知 也然造其妙者亦寡矣若士衛者顧豈可少也哉矧重 賦一篇雖曰形容才士作文之趣實寫其平生肆力文 以子昂之書二美具馬固後世之所寶也予觀山陽尹 矣雖然聖賢之文則異於是何也有是理則有是文無

畢玉所藏本因題而歸之 跋春暉堂卷

姑蘇趙惟東持春暉堂卷踵子門請曰某不幸少失怙

請言於文章鉅公多科而界之者故敢請於下執事予 且康常思所以報之者取唐孟郊詩中語以春順名堂 賴母氏鞠育以底成立痛惟先人弗及養矣幸吾母壽

辭不能詩而惟康請之不置故而閱之歌詠既克贅言

何益雖然有一言馬春暉慈母良可並矣而慈母之恩

次至四車全書一

古樣集

大

我育我顧我復我出我腹我子曰父母惟其疾之憂由 是觀之則慈母愛子之心不如春暉若是之恝也况春 心無所不至哉詩云父兮生我母兮鞠我拊我畜我長 審矣春順固無意寸草之報而寸草亦不能報春暉人 論至於此則子之報母比之寸草之報春曜其又難也 任其自然春暉不能用力於其間豈若慈母愛育其子 則有過於春暉何也春暉固能發育草木矣至於成否 **暉之敗物也博而不專而慈母之心子之外無兼愛馬**

次正日重 Att 體不辱其身不若立身揚名顯親於後世也以類而推 為萬物之中最貴而靈者豈以母恩難報而遂委之以 率由此而已惟康勉乎哉 行之終身至於全歸而後已馬古之聖賢圖報其親者 無形也有過幾諫不若先意承志喻之於道也不虧其 甘同於草木邪當竭力以圖萬一之報可也是故甘古 以養口體不若養志也温清定省不若聽於無聲視於 偶書 古樣集

而不專也權奸之害惡其不利於已而逐之心不恐而 害瀕於萬死而得生身雖苦而心則不恐以所害者泛 遭逆賊之害次遭誣枉之害次遭謗毁之害夫土木之 予在仕途危險屢矣初遭土木之害次遭權奸之害次 苦心雖不恐而勢則可畏也誇毀之害欲構陷之禍在 身亦不甚苦也逆賊之害怒其不附已而戕之身既苦 不測身雖不苦而心則恒恐以怨之者衆也一在正統 而心則甚恐也誣枉之害實忌嫉之辱幾難免身雖不

一年少でたる言

老蘇穿然白衣面長有鬚歐慷慨談論蘇但唯唯而已 沙芝四華全書 ! 公面北坐歐左蘇右子坐于後歐穿墨緑衣面短而貌 莫不寒心予則若尚留感而不去者豈其本心哉會當 天順庚辰閏十一月九日子看歐文是夜夢見歐蘇二 脱此塵羈優游物外以畢餘生馬 七年九月一在八年八月官愈高而危險愈甚傍觀者 十四年八月一在天順元年六月一在五年七月一在 紀夢 古攘集

見之以為古人不意猶在世問豈非神明與使我輩得 予因起敬曰宋朝文章擅天下者惟稱二公每於書中 西子亦隨行漸不見子乃覺 恍記歐言吾何懼哉使我取媚於世希求富貴决不能 一見顔色何幸如之蘇公頷首良久起行自東廊轉而 古穰集卷九